

Иисус Христостың туған келгени

1 Ол күннерде қаан-август, эзе, поэнының албатқы чон-қалықтың санын пастырарға пичик шығарған. 2 Ол Сирияда Квириний, теп, қаан тужындағы паштапқы чон-қалық санын пастырғаны полтыр. 3 Парчын кижиде, поэнының туразынға парып, пастырчаң полған полтыр. 4 Иосиф, Давид төлдең шыққан кижиде, Галилеядағы Назарет, теп, турадан Иудеядағы Вифлеем, теп, адалған Давидтың туразынға пастырарға парған. 5 Ол Иосиф Мария, теп, ол темде курсактығ полған эпчизинме пирге парған полтыр. 6 Ылар парған черге четпарғаннарда, Мария туғчаң теми четкелтир. 7 Ол, тун Оғлын туғыбалып, Аны чакшы орапкелип, пичен салчаң черге салсалған полтыр, паза чер чоқтаң аара. 8 Олоқ черлерде мал қадачылар, узубан, қараағызын қойларын қадачыған полтырлар. 9 Кенетки тегридең Қудайдың Ангелы ылардың алынға көрүнип шыққан полтыр, олоқ темдоқ ыларға Қудайдың пағы-чарығы найла тыңок суштаберген полтыр, — ылар пилинмен қорукпарғаннар, эзе. 10 «Қорукпалаар, теп, — Ангел ыларға айттыр, — мен слерге, чер үстүндеги кижилерге, слерди парчазын үргүдер тилазын айтпарерге келдим», — теди. 11 «Пүүн Давидтың туразында эллеринң — қалықтарың арғалар Христос, теп, туғып келген, эзе», — теди. 12 «Мна, Аны табар пөлгүзин айдаберерим слерге: Орапсалған Някты пичен салчаң черде табарзаар слер», — теди. 13 Анаң тың көп ангеллар көрүнок шығып, Қудайды пақтап-алғап айт чөрүп: 14 «Өреги Қудайға алғыш, черге — абыр, кижилерге — чакшы ползын, теп», — көглешкеннер, чөрүп. 15 Ангеллар көглеш чөрүп, анаң тегриге шығып, көрүнмен калғаннарда, қадачылар өзере чөптештирлер: «Қудайдан айдаберген черде ноо полпарғанын, Вифлеемге парып, көреңнер, теп», — тештилер. 16 Садабан парып, анда Марияба Иосифпа пирге пичен салчаң черде чатчыған ол Някты көрүп табалтырлар. 17 По тапқан кижилерге ол Няктаң

үчүн парчын ыларға Ангел айтқанын чооқтап пертирлер. 18
Қадачылар чооқтағанын уғып, Марияба Иосиф айтқанынға
таңзынғаннар. 19 Мария ылардың сөстерин иштингге салынсалған.
20 Эмнеринге нанып, қадачылар, уқканнаң көргеннең үчүн Қудайды
пақтап алғаптырлар.